

# **WISCONSIN MEDICAID THIAB BADGERCARE PLUS KEV THAUJ NEEG MOB TSIS YOG MOB CEEV**

(Wisconsin Medicaid and BadgerCare Plus Non-Emergency Medical Transportation)

## **Cov Pluas Noj thiab Chaw Pw Hmo Ntuj**

(Meals and Overnight Stays)

Thov Cim Cia: Cov lus nram qab no yog hais txog kev thauj neeg mob uas tsis yog mob ceev. Yog tias koj muaj ib tug mob ceev koj yuav tau hu rau 911.

Kev thauj neeg mob uas tsis yog mob ceev yog caij cov tsheb thauj tsoom neeg sawv daws (public transportation) thiab caij nrog lwm tus (shared ride service). Cov tsheb thauj kuj muaj xws li cov tsheb thauj tsoom neeg sawv daws (ib yam li cov tsheb npav (bus) khiav hauv nroog), cov tsheb tshwj xeeb thauj neeg mob, los yog lwm hom tsheb nyob ntawm koj tus mob thiab kev mus los cov kev xav tau. Yog tias tsis muaj hom tsheb thauj tsoom neeg sawv daws, koj tsis tas yuav tsum tau caij xwb li.

Medical Transportation Management, Inc. (MTM, Inc.) yog Wisconsin Medicaid thiab BadgerCare Plus tus tswj thauj neeg mus los. MTM, Inc. teem sij hawm thiab them nyiaj rau cov kev thauj mus rau Medicaid thiab BadgerCare Plus cov kev pab kho mob uas kam them rau.

### ***Tej zaum koj yuav tau nyiaj pab them rau cov pluas noj thiab chaw pw hmo ntuj***

Wisconsin Medicaid thiab BadgerCare Plus muaj cov cai tswj rau thaum twg cov tswv cuab thiaj li tau txais kev pab them rau cov pluas noj thiab chaw pw hmo ntuj thaum koj caij tsheb thauj kho mob uas tsis yog mob ceev mus rau ntawm Wisconsin Medicaid thiab BadgerCare Plus cov kev pab kho mob uas kam them.

Cov tswv cuab uas tau txais tsheb pab thauj los ntawm xeev tus tswj thauj neeg mus los, MTM, Inc. tej zaum yuav tau txais kev pab them rau cov pluas noj thiab chaw pw hmo ntuj.

### ***Tej zaum koj yuav tau nyiaj pab them rau:***

- Ib pluas noj yog koj mus deb tsawg kawg yog 100 miles mus nkaus xwb rau ntawm qhov chaw koj teem mus ntsib kws kho mob thiab koj mus tau ntev tsawg kawg plaub xuaj moos.
- Ob pluas noj yog koj mus deb tsawg kawg yog 100 miles mus nkaus xwb rau ntawm qhov chaw koj teem mus ntsib kws kho mob thiab koj mus tau ntev tsawg kawg yim xuaj moos.
- Ob pluas noj thiab ib hmos chaw pw yog koj mus deb tsawg kawg yog 200 miles mus nkaus xwb rau ntawm qhov chaw koj teem mus ntsib kws kho mob thiab koj mus tau ntev tsawg kawg yim xuaj moos.

Yog koj yuav mus rau ib qhov chaw teem ntsib kws kho mob es yuav mus nyob ntev tshaj ib hmos, hu rau MTM, Inc. ntawm 1-866-907-1493 (suab) los yog 1-800-855-2880 (TTY) thiab nug seb yuav pab them rau cov pluas noj thiab qhov chaw pw li cas.

Ib tus neeg kom nrog mus vim tus mob uas tau lus tso cai yuav tau txais kev them rau cov pluas noj thiab chaw pw tib yam nkaus rau nws li tau tso cai rau koj.

MTM, Inc. yuav them rau koj qhov nyiaj uas koj tau siv them pluas noj los yog ntau txog \$10 tauj ib pluas no, seb qhov twg yog qhov tsawg dua. Yog koj yuav tsis muaj nyiaj them rau koj cov pluas noj thaum lub sij hawm koj mus ntsib kws kho mob, hais rau MTM, Inc. paub thaum koj hu mus teem tsheb thauj koj.

MTM, Inc. yuav tsis them rau dej cawv los yog tej kev lom zem ua si.

Yog tias koj tau txais kev pab rau qov chaw pw hmo ntuj, MTM, Inc. mam li hu mus teem thiab them qhov chaw pw hmo ntuj rau koj.

## ***Yog xav paub ntxiv***

Cov lus muab hais qhia tsuas yog hais me ntsis xwb. Yog xav paub ntxiv txog Hu Teem Tsheb Thauj, Cov Pluas Noj thiab Chaw Pw, Muaj Lus Tsis Txaus Siab, Cov Cai Tswj Tshiab, Tsis Kam Thauj Mus Los los yog Lub Rooj Mloog Kev Ncej Ncees:

- Hu rau MTM, Inc. ntawm [www.mtm-inc.net/wisconsin](http://www.mtm-inc.net/wisconsin) los yog  
1-866-907-1493 (suab) 1-800-855-2880 (TTY)
- Saib koj phau ntawv ForwardHealth Enrollment and Benefits (muaj nyob online ntawm [dhs.wi.gov/em/customerhelp](http://dhs.wi.gov/em/customerhelp))
- Saib qhov koj ua Ib Tug Tswv Cuab ntawm [dhs.wi.gov/em/customerhelp](http://dhs.wi.gov/em/customerhelp)
- Hu Rau Qhov Kev Pab Cov Tswv Cuab ntawm 1-800-362-3002



State of Wisconsin

Department of Health Services

Division of Health Care Access and Accountability